

證治準繩

六十四

染函

六 外科

跌撲傷損
 瘀血停積 亡血過多 脈法 治法 頭目鼻耳傷
 舌唇口喉齒顛傷 頸骨肩胛肋傷 手傷
 胸腹傷 腰臀股膝傷 脚傷 背脊骨傷
 陰囊陰門傷 筋骨傷 束縛敷貼用藥訣
 十不治證

漢書門
一 二 九
七 一
二 一
八 二
冊架函號類

庫文閣內
漢
三 九
函
架冊號

內閣文庫
番號 漢 12971
冊數 100 (64)
函號 301 60



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



瘍科證治準繩卷之六

金壇王肯堂輯新安門人閔承詔校

跌撲傷損

金瘡 竹木刺

杖瘡 針入肉

箭頭入骨

瘀血

素問云人有所墜墮惡血留內腹中滿脹不得前後

先飲利藥此上傷厥陰之脉下傷少陰之絡刺足內

踝之下然骨之前血脉出血刺足跗上動脉不已刺

三毛上各一痛見血則已左刺右右刺左善悲驚不

樂刺如右方

繆刺

靈樞云有所墜墮惡血留內有

所大怒氣上而不行下積於脇下則傷肝又中風及

有所擊仆若醉入房汗出當風則傷脾又頭痛不可

失撲傷員

小

取於胸者有所擊墮惡血在內若肉傷痛未已可側
刺不可遠取之也邪氣臟腑及厥病篇

東垣醫學發明論曰夫從高墜下惡血留於內不
分十二經絡醫人俱作中風肝經留於脇下以中
風療之血者皆肝之所主惡血必歸於肝不問何
經之傷必留於脇下蓋肝主血故也痛甚則必有
自汗但人人有汗出皆屬風證諸風皆屬於肝木
况敗血凝泣逆其所屬入於肝也從高墜下逆其
上行之血氣非肝而何非傷寒無汗既曰汗必自
風化之也故以破血行經藥治之

靈樞又云身有所傷血出多反中風寒若有所墜墜

四肢懈惰不收名曰體惰取小腹臍下三結交陽明

太陰也臍下三寸關元也寒熱篇○三結交者即關元穴是也

劉宗厚曰打撲金刃損傷是不因氣動而病生於
外外受有形之物所傷乃血肉筋骨受病非如六
淫七情為病有在氣在血之分也所以損傷一證
專從血論但須分其有瘀血停積而亡血過多之
證蓋打撲墜墮皮不破而內損者必有瘀血若金
刃傷皮出血或致亡血過多二者不可同法而治
有瘀血者宜攻利之若亡血者兼補而行之又察

其所傷有上下輕重淺深之異經絡氣血多少之殊唯宜先逐瘀血通經絡和血止痛然後調氣養血補益胃氣無不効也頃見圍城中軍士被傷不問頭面手足曾背輕重醫者例以大黃等藥利之後大黃缺少甚者遂以巴豆代之以為不於初時瀉去毒氣後則多致危殆至於畧傷手指亦悉以藥利之殊不知大黃之藥惟與有瘀血者相宜其有亡血過多元氣胃氣虛弱之人不可服也其巴豆大熱有毒止能破堅逐積用於此疾尤非切當所以有服下藥過後其脉愈見堅大醫者不察又

以為瘀血未盡而後下之因而夭折人命可不慎歟

脉法

內經云肝脉搏堅而長色不青當病墮若搏因血在脇下令人嘔逆 脉經云從高顛仆內有血腹脹滿其脉堅强者生小弱者死 金匱云寸口脉浮微而澀然當亡血若汗出設不汗者其身有瘡被刀斧所傷亡血故也 脉經云金瘡血出太多其脉虛細者生數實大者死 金瘡出血脉沉小者生浮大者死 砍瘡出血一二石脉來大者二十日死 砍刺出血不止者其脉止脉來大者

火藥易員

小年六

三

七日外滑細者生

右破傷之脉若瘀血停積者堅強實則生虛細澀則死若亡血過多者虛細澀則生堅強實則死皆為脉病不相应故也

活法戴院使云仆路不知曰擗兩手相搏曰撲其為損一也因擗撲而迷悶者酒調蘇合香丸灌之因擗撲而損傷宜逐其惡血酒煎蘇木調蘇合香丸或雞鳴散或和氣飲加大黃入醋少許煎或童便調黑神散不用童便用蘇木煎酒調亦得擗撲傷疼酒調琥珀散極佳烏藥順氣散亦可

大法固以血之瘀失分虛實而為補瀉亦當看損傷之輕重輕者頓挫氣血凝滯作痛此當導氣行血而已重者傷筋折骨此當續筋接骨非調治二四月不得平復更甚者氣血內停沮塞真氣不得行者必死急瀉其血通其氣亦或有可治者焉 傷損論曰夫傷損必須求其源看其病之輕重審其損之淺深凡人一身之間自頂至足有所傷打傷跌傷及諸刃傷者皆有之凡此數證各有其說有當先表裏而後服損藥者為醫者當循其理治之然醫者意也不知意者非良醫也或者稟性愚昧不能觀其證之輕重明

其損之淺深未經表裏通利先服損藥誤人多矣有
 因此痰涎上攻有因此大小藏腑閉結差之毫釐繆
 以千里所謂醫不三世不服其藥信哉 此論治損
 傷之大綱也然用藥固不可差而整頓手法尤不可
 孟浪今以人之周身總三百六十五骨節開列於後
 人身總有三百六十五骨節以一百六十五字都關
 次之首自鈴骨之止為頭左右前後至轅骨以四十
 九字共關七十二骨顛中為都顛骨者一有勢微有
 次顛為體骨者一有勢微 體前為頂威骨者一有勢微有
 人無體後為腦骨者一有勢微 腦左為枕骨者一有勢
 此骨

無枕就之中附下為天盖骨者一下為肺 盖骨之後
 為天柱骨者一下屬脊 盖前為言骨者一言上復合
 勢無言下為舌本骨者左右共二有勢 體前為顛骨
 者一無勢 顛下為伏委骨者一俚人訛為伏犀 伏委
 之下為俊骨者一附下詳眉字 眉上左為天賢骨
 者一無勢 眉上右為天貴骨者一眉上直 左睛之
 上為智宮骨者一無勢 右睛之上為命門骨者一睛
 之下中 鼻之前為梁骨者一無勢 梁之左為顛骨者
 為鼻 一有勢無 梁之左為糾骨者二顛糾之後 梁之端為
 一有勢無 梁之左為糾骨者二顛糾之後 梁之端為
 嵩柱骨者一無勢 左耳為司正骨者一無勢 右耳為
 失其易員

納邪骨者一同正邪之後為完骨者左右共二無勢
正邪之上附內為噎骨者一無勢噎後之上為通骨
者左右前後共四有勢噎上為嘔骨者一無勢其嘔
後連屬為頤也左頤為乘骨者一有勢右頤為車骨
者一同乘車之後為轅骨者左右共二有勢乘車上
下出齒牙三十六事無勢髓庸下就一則不滿其數復次鈴骨之下
為臚中左右前後至髻以四十字關九十七骨轅骨
之下左右為鈴骨者二多鈴中為會厭骨者一無勢
鈴中之下為咽骨者左中及右共三無咽下為喉骨
者左中及右共三同喉下為嚨骨者環次共十事同

下之內為肺系骨者累累然共十二無勢肺系之
後為谷骨者一無谷下為偏道骨者左右共二同嚨
外次下為頤骨者共八少頤骨之端為頤隱骨者共
八同順下之左為洞骨者一無順下之右為棚骨
者一無洞棚之下中央為髑髏骨者一無髑髏骨
髑髏直下為天樞骨者一無鈴下之左右為缺盆骨
者二有勢左缺盆前之下為下猷骨者一無右缺盆
前之下為分饒骨者一同猷饒之後附下為倉骨者
一同倉之下左右為膠骨者共八有勢膠下之左為
胸骨者一男子此骨膠下之左右蕩骨者一女子此
失業真員

夫大胸之下為烏骨者一男子此骨薄者髮早白蕩之下為臆骨

者一此骨高多訛妄鈴中之後為脊竅骨者共二十一上接天柱

有脊竅次下為大動骨者一上通天柱共二十四椎大動之端

為歸下骨者一道家謂之尾間歸下之後為纂骨者一此骨能限

精歸下之前條骨者一此骨薄者多處貧下復次缺盆之下左

右至觀以二十五字關六十骨此下止分兩手臂支

其缺盆之後為樞甲骨者左右共二有勢樞甲之端

為甲隱骨者左右共二此骨長則至腎前支缺盆為飛動骨

左右共二此骨病非緩次飛動之左為龍膺骨者一有勢

液無次飛動之右為虎衝骨者一同龍膺之下為龍木

骨者一虎衝之下為虎端骨者一俱有勢本端之下

為腕也龍本上內為進賢骨者一男子此骨隆為名臣虎端上

內為及爵骨者一女人此骨高為命婦腕前左右為上力骨者

共八有勢次上力為駐骨者左右共十同次駐骨為

擗骨者左右共十同次擗為助勢骨者左右共十助

外為爪右助外為甲爪甲之下各有觀骨左右共十無勢復次

髑髏之下左右前後至初步以五十一字關一百二

十六骨此下至兩乳下分左右自兩足心衆骨所會

處也髑髏之下為心蔽骨者一無髑髏之左為脇骨

者上下共十二也左脇之端各有脇隱骨者分

失業易負

次亦十二無脇骨之下為季脇骨者共二多液季脇之
 端為季隱骨者共二無髌骨之右為肋骨者共十二
處太陽之分也肋骨之下為眇肋骨者共二各無隱骨唯獸有之右肋
 之端為肋隱骨者共十二無條骨之前為大橫骨者
 一有勢必髓橫骨之前為白環骨者共二有勢有液白環之前
 為內輔骨者左右共二有勢有液內輔之後為骸關骨者
 左右共二同骸關之下為捷骨者左右共二同捷骨
 之下為髌樞骨者左右共二有勢多髓髌樞下端為膝蓋
 骨者左右共二多液無勢膝蓋左右各有俠升骨者共二
有勢多液髌樞之下為髌骨者左右共二有勢多髓髌骨之外

為外輔骨者左右共二有勢有液髌骨之下為立骨者左
 右共二同上立骨左右各有內外踝骨者共四有勢少液踝
 骨之前各有下力骨者左右共十有勢多液踝骨之後各
 有京骨者左右共二有勢少液下力之前各有釋欹之前
 各有起仆骨者共十有勢起仆之前各有平助骨者左
 右共十有勢平助之前各有觀甲骨者左右共十無勢少液
 釋欹兩傍各有核骨者左右共二有勢多液起仆之下各
 有初步骨者左右共二有勢無髓有液凡此三百六
 十五骨也天地相乘惟人至靈其女人則無頂威左
 洞右棚及初步等五骨止有三百六十骨又男子女

人一百九十骨或隱或顯或無髓勢餘二百五十六
骨並有髓液以藏諸筋以會諸脉絡谷相需而成身
形謂之四大此骨度之常也

頭目傷損凡腦骨傷破輕者搥捺平正若皮不破
者用退腫膏敷貼若皮破肉損者先用封口藥揆之
外以散血膏貼之若皮破血流者用止血散揆之若
腫痛者用葛葉毛藤葉楓葉尾砍爛傅之不可見風
着水恐成破傷風 凡腦骨傷碎在硬處可治若傷
太陽穴不可治如在髮際須剪剃去髮看皮破不破
依上用藥敷若欲洗宜用熟油和藥水洗或和溫茶

洗之 凡面目傷青黑色用一紫散敷或紫金膏貼
傷重者用補肉膏敷貼 凡腦兩角及後枕或兩眉
有傷可治眼睛傷腫神不碎可治或眼胞傷紫黑色
用一紫散敷貼或紫金膏敷貼傷重者用補肉膏敷
貼或頭頂心有損則難治 凡鼻兩孔傷凹者可治
血出無妨鼻梁打撲跌磕凹陷者用補肉膏敷貼若
兩鼻孔跌磕傷開孔竅或刀斧傷開孔竅用封口藥
揆傷處外以散血膏貼之退腫 凡耳斫跌打落或
上脫下粘或下脫上粘內用封口藥揆外用散血膏
敷貼及耳後看脫落所向用鵝翎橫夾定却用竹夾

子直上橫縛定縛時要兩耳相對輕縛住

舌唇口喉齒頰傷 凡唇口刀斧斫磕跌墮等傷破皮傷肉者先用桑白皮線縫合却以封口藥塗傅次以散血膏敷貼牽住所封藥不令開落仍少言語凡跌破唇耳鼻而拔缺者即以封口藥揆外以散血膏敷貼若缺唇缺耳先用麻藥塗之却以剪刀剪去外些皮即以絹線縫合缺耳作一截縫合缺唇作三截縫合以雞子黃油塗次以金毛狗脊毛薄摻些於上以封口藥塗抹之次日以茶輕洗就揆末一日換一次至八日剪去線又揆末 凡頤頰頰刀斧斫磕

涎囊

跌墮等傷破皮肉者用封口藥填瘡口外以散血膏敷貼或跌磕損傷未破皮肉者用補肉膏敷貼凡刀斧斫磕跌破上唇而拔缺者用絹片一小條從腦後縛向前來縛合縫定次揆封口藥外以散血膏敷貼如下唇整法却以絹片從下頰兜縛及如前法整頓次揆末敷藥或無腫不須敷藥 凡偶含刀在口內戲耍誤割斷舌頭未全斷者用封口藥傅一日換二三次藥七八日全安 凡兩臉涎囊被刀斧斫磕跌墮等傷傷開涎囊者用絹線縫合却以封口藥塗敷外以散血膏敷貼七八日接住肉剪去線揆封口

跌撲傷

藥一凡牙齒破人打跌破去牙齒者只用補肌散摻及封口藥按破血藥止痛藥並用木煎藥服不宜用酒煎藥須知此法乃大有功凡牙斷跌磕斫傷牙齒未動者用芙蓉膏未摻如齒動者用蒺藜根燒存性爲末常搗搽之即牢凡割喉者用騎脚患人頭項以絲線先縫內喉管却縫外頸皮用封口藥塗傅外以散血膏敷貼換藥或喉被人打歪以手搖正却以前膏敷貼若結喉傷重喉斷不可治以湯與之得入腸者可治若並出者不可治

頭骨有腫脹傷凡高處跌墮頸骨挫進者用手巾

一條繩一條繫在枋上垂下來以手兜縛頰下繫於後腦殺縛接繩頭却以丸罌一箇五六寸高看捺入淺深斟酌高低令患人端正坐於其罌上令伸脚坐定醫者用手掣捺平正說話令不知覺以脚一踢踢去罌子如在左用手左邊撥出如在右用手右邊撥出却以接骨膏定痛膏敷貼又一法令患人卧牀上以入擠其頭雙足踏兩肩即出凡左右兩肩骨跌墮失落其骨又出在前可用手巾繫手腕在胸前若出在後用手巾繫手腕在背後若左出摺向右肱右出摺向左肱其骨即入接左摸右鬚接右摸左鬚却

以定痛膏接骨膏傳之。凡肩井骨及脇下有損不可束縛只捺令平正用補肉膏接骨膏定痛膏敷貼兩肋骨亦然。凡肩胛骨出相度如何整用椅一箇令患人於椅後伸兩手於椅手圈住及以輭衣被盛墊脇下使一人捉定兩人拔伸却墜下手腕又着曲着手腕按捺平正却以定痛膏接骨膏敷貼絹片縛之。

手傷 手有四折骨六出白凡手臂出白此骨上段骨是曰下段骨是杵四邊筋脉鎖定或出白亦割損筋所以出白此骨須拽手直一人拽須用手把定此間

骨搦教歸窠看骨出那邊用竹一片夾定一邊不用夾須在屈直處夾纔服藥後不可放定或時又用拽屈拽直此處筋多喫藥後若不屈直則恐成疾日後曲直不得。肩胛上出白只是手骨出白歸下身骨出白歸上或出左或出右須用春杵一枚矮橈一箇令患者立橈上用杵撐在於出白之處或低用物墊起杵長則墊橈起令一人把住手拽去橈一人把住春杵令一人助患人放身從上坐落骨節已歸窠矣神効若不用小橈則兩小梯相對木棒穿從兩梯股中過用手把住木棒正稜在出白腋下骨節蹉

跌之處放身從上墜骨節自然歸白矣 凡手脛手
腕骨脫網直拽出醫用手擡起手脛腕以患人本身
膝頭墊定醫用手於頸項肩處按下其骨還窠却用
定痛膏接骨膏敷貼若手腕失落或在上下用手
拽伸却使手撚住方可用前膏敷貼藥夾縛若手脛
骨出用圓椅橫翻向上醫用足踏住椅將病人手在
椅橫內校曲入腕內以小書簿上下夾定平穩却用
前膏敷貼用絹布兜縛兜縛時要掌向上若手盤出
白不可牽伸用衣服向下承住用手樽按動搖挪令
平正却用前膏敷貼夾縛下用繩夾 凡手骨出向

左則醫以右手拔入骨出向右則醫用左手拔入
伸一縮搖動二三次却用接骨膏定痛膏敷貼夾縛
凡手脚骨只一邊斷則可治若兩手脚骨皆斷者
不可治 凡手足骨斷者中間一坐縛可帶緊兩頭
放寬些庶氣血流陰若如截竹斷却要兩頭緊中間
放寬些庶使氣血聚斷處 若接縛手者前截放寬
縛些使血散前去若按足者下截放寬些使氣血散
下去 凡用盤出向下將掌向上醫用手樽損動處
將掌曲向外捺令平正用前膏貼再用夾向背一片
長下在手背外向面一片短下在掌按處向小指一

跌撲易員

小引六

十三

片長下在指曲處向大指一片短下在高骨處二度
縛之凡兩手臂骨打斷者有碎骨跌斷者則無碎
骨此可辯之皆可用定痛膏接骨膏敷貼之凡手
指跌撲刀斧打碎用雞子黃油潤次揆封口藥末外
以散血膏敷貼絹片縛定若跌撲咬傷者用澤蘭散
傳之若有寒熱者用退熱散傳之寒熱退即去之
凡手掌根出臼其骨交互相鎖或出臼則是剝出鎖
骨之外須是搦鎖骨下歸窠出或外則須搦入內或
入內則須搦出外方入窠臼共只用手拽斷則難入
窠十有七八成痼疾也宜接骨膏定痛膏敷貼夾縛

四折骨用杉皮竹片夾縛六出臼只宜以布帛包
不可用夾要時時轉動不可一時不動恐接直骨
胸腹傷凡胸前跌出骨不得久令患者靠實處醫人
以兩脚踏患者兩脚以手從脇下過背外相又抱住
患者背後以手於其肩掬起其胸脯其骨自入却用
定痛膏接骨膏敷貼凡胸脯骨有拳槌傷外有腫
內有痛外用定痛膏敷貼內用破血藥利去瘀血次
用消血草搗酒服如刀傷先宜安骨定皮合口搗令
平正却以封口藥揆瘡口外以補肌散以雞子清調
敷貼內服補損藥活血丹之類凡胸骨肋斷先用

破血藥却用定痛膏接骨膏敷貼皮破者用補肉膏敷貼凡胸脇傷重血不通者用菜豆汁生薑和服一以壯力人在後擠住自吐其血次用破血藥肚上被傷肚皮俱破腸出在外只腸全斷難醫傷破而不斷者皆可治療凡腸出可以病人手搭在醫人肩隨其左右收起以麻油潤瘡口整入腹却以通關散吹鼻打噴嚏令腸自入用桑白皮線向皮內縫合後以封口藥塗傷處外以補肌散以雞子清調勻敷貼或散血膏更妙線上以花乳石散敷之肚皮裂開者用麻縷爲線或槌桑白爲線亦用花乳石散

敷線上須用從裏重縫肚皮不可縫外重皮留外皮開用藥摻待生肉若腸上有小損孔以燈火照之腸中有氣射燈不可治又一法腸出吊起病人手用醋煎山豆根汁服一口至二口却以針於病人頸上一刺其腸自入凡肚皮傷破孔大肚腸與脂膏俱出放入內則用縫如孔小只有膏出用手擘去膏不用縫此膏出者已無用了不可復入肚中反成禍患只須擘去不妨此是閑肉但放心去之肚內被傷者專用利大小腸不可待秘恐成重患

腰脊股膝傷凡腰骨損斷用門一片放地下一頭斜

高些令患人覆眠以手伸上搬住其門下用三人拽伸以手按損處二時久却用定痛膏接骨膏敷貼病人渾身動作一宿至來日患處無痛却可自便左右翻轉仍用破血藥凡臀腋左右跌出骨者右入左左入右用脚踏進樽捺平正用藥如跌入內令患人盤脚按其肩頭醫用膝旅入雖大痛一時無妨整頓平正却用接骨膏定痛膏敷貼只宜仰卧不可翻卧大動後恐成損患凡腰腿傷全用酒佐通氣血藥俱要加杜仲凡胯骨從臀上出者用二三人捉定腿拔伸仍以脚捺送入却用前等膏敷貼如在褶內

出者則難治凡脚骨傷甚難整當臨時相度難泥一說凡兩腿左右打跌骨斷者以手法整其骨以手拽正上拽七分於前下拽五分於後整定用接骨膏定痛膏敷貼以夾縛縛時先縛中正後縛上下外用副夾若上下有腫痛無慮五日方可換藥凡辯腿胯骨出內外者如不粘膝便是出向內從內捺入平正如粘膝不能開便是出向外從外捺入平正臨機應變凡脚盤出曰令患人坐定醫人以脚從腿上一踏一搬雙手一樽捺搖二三次却用接骨膏定痛膏或理傷膏敷貼凡膝蓋損斷用手按捺進平

正後用前膏敷貼桑白皮夾縛作四截縛之其膝蓋
骨跌到開者可用竹箍箍定敷藥夾定要四截縛之
膝蓋不開也若腫痛須用針刀去血却敷貼用夾
若或內外踝骨左右脚盤到跌損傷用脚踏直拽正
按捺平正却敷貼前膏若膝頭骨跌出曰牽合不可
太直不可太曲直則不見其骨稜曲則亦然只可半
直半曲以竹箍箍住膝蓋骨以繩縛之凡骨節損
折肘臂腰膝出曰蹉跌須用法整頓歸元先用麻藥
與服使不知痛然後可用手法治之

脚傷脚有六曰四折骨凡脚板上交胛處出曰須用

一人拽去自用手摸其骨節或骨突出在內用手正
從此骨頭拽歸外或骨出向外須用力拽歸內則歸
窠若只拽不用手整入窠內誤人成痼疾也宜接骨
膏定痛膏敷貼夾縛四折骨用正副夾縛束六出白
只宜以布帛包縛不可夾之凡脚膝出曰與手臂
肘出曰同或出內出外只用一邊夾縛定此處筋脉
最多時時要曲直不可定放又恐再出窠時時看顧
不可踈慢宜接骨膏定痛膏敷貼夾縛凡脚大腿
根出曰此處身止骨是曰腿根是并或出前或出後
須用一人手把住患人身一人拽脚用手盡力撮歸

跌撲傷損
外科

窠矣或是剝開又可用軟綿繩從脚縛倒吊起用手
整骨節從上墜下自然歸窠却用接骨膏定痛膏敷
貼夾縛

脊脊骨傷凡剝脊骨不可用手整頓須用軟繩從脚
吊起墜下身直其骨使自歸窠未直則未歸窠須要
待其骨直歸窠却用接骨膏或定痛膏或補肉膏敷
以桑皮一片放在藥上杉皮兩三片安在桑皮上用
軟物纏夾定莫令曲用藥治之凡脚手骨被壓碎
者須用麻藥與服或用刀刮開甚者用剪刀剪去骨
鋒硬不衝破肉或有粉碎者去其骨免膿血之禍然

後用大片桑皮以補肉膏或定痛膏糊在桑皮上來
在骨肉上莫令差錯二白一洗莫令臭穢用藥治之
又切不可輕易自恃有藥便割便剪便弄須要詳細
審視當行則行尤宜仔細或頭上有傷或打破或刀
傷或壓碎骨用藥敷貼縛之凡敷縛之際要於密屋
無風之所勿使風入瘡口恐成破傷風之患切記切
記

陰囊陰疔傷凡陰囊被人扯脫者用雞子黃油塗以
金毛狗脊毛薄攤於上次揆封口藥又用散血膏敷
貼外却用中葉金鎖匙紫金皮水煎服洗用紫蘇葉

煎水洗。凡陰囊處有青黑紫色腫者用補肉膏敷貼或用定痛膏加赤芍草烏良薑肉桂各少許打和用菲葉砍爛同藥貼如無菲葉葱葉亦可仍服利小便藥。凡婦人腿骨出進陰門邊不可踏入用橈一條以綿衣覆上令患人於上卧醫以手擎患人脚用手一搏正上好脚邊上去其腿骨自入却用接骨膏定痛膏敷貼。凡下近腿膝陰囊等處不用通藥但貼不令血陰。

筋骨傷 凡斷筋損骨者先用手尋揣傷處整頓其筋骨平正用接骨等膏敷貼用正副夾縛定正夾用杉

皮去外重皮約手指大排肉上以藥敷杉皮上藥上用副夾用竹片去裏竹黃亦如指大踈排夾縛。凡骨碎斷或未碎斷但皮破損肉者先用補肌散填滿瘡口次用散血膏敷貼如骨折要接骨膏敷貼夾縛或皮破骨斷者用補肉膏敷貼。凡骨斷皮破者不用酒煎藥或損在內破皮肉者可加童便在破血藥內和服若骨斷皮不破可全用酒煎損藥服之若只損傷骨未折肉未破者用消腫膏或定痛膏。凡皮破骨出差日拔伸不入搏捺皮相近三分用快刀割開些捺入骨不須割肉肉自破了可以入骨骨入後

跌撲傷員

卷之六

十九

用補肉膏敷貼瘡口傍腫處留瘡口用補肌散填之
皮肉不破用接骨膏定痛膏敷貼若破者必有血出
用力整時最要快便凡皮裏有碎骨只用定痛膏
接骨膏敷貼夾縛十分傷害自然爛開肉其骨碎必
自出然後摻補肌散外以補肉膏敷貼凡骨碎看
本處平正如何大抵骨低是不曾損左右骨高骨定
損了如折骨要拔伸捺平正用藥敷貼以正副夾束
縛勿令轉動使損處堅固如出臼曲處要時時曲轉
使活處不强凡敷貼用板子一片就板子上將焦
葉或紙被攤接骨膏定痛膏在上移在損處皮內有

碎骨後來皮肉自爛先摻補肌散次敷補肉膏碎骨
自出若破斷皮肉先以封口藥填塗用線縫合外用
補肉膏散血膏敷貼凡平處骨斷骨碎皮不破者
只用接骨膏定痛膏敷貼夾縛若手足曲直等處及
轉動處只宜絹包縛令時數轉動不可夾縛如指骨
碎斷止用苧蔴夾縛腿上用苧蔴繩夾縛冬月熱縛
夏月冷縛餘月溫縛凡拔伸捺正要羶絹軟物單
正仍拔伸當近在骨損處不得前去一節骨上仍拔
伸相度左右骨各有正斜拔者凡樽捺要手法快
便要皮肉相執平正整拔亦要相度難易或用三四

人不可輕易。凡筋斷用楓香以金沸草碎取汁調塗傅次用理傷膏敷貼。

束縛敷貼用藥 凡束縛春二日夏二日秋三日冬四

日縛處用藥水泡洗去舊藥不可驚動損處洗了仍用前膏敷縛若束縛要杉木浸軟去麤皮竹片去黃用青共削約手指大片用杉木皮為正夾竹片為副夾踈排周匝以小繩三度縛縛時相度高下遠近使損處氣血相續有緊有寬說見前二三日一次換藥敷直要縛一箇月藥次以補損好膏貼之亦要以杉皮夾住令損處堅固骨老左不夾之其杉皮貼肉上

藥敷杉皮上紙被貼藥上竹片夾紙被上縛之。凡腫是血作用熱藥水泡洗次敷貼等草藥一時討不及者只用理傷膏貼最便。凡用夾須攤藥於紙上平兩頭要帶薄搭頭搭得不厚不礙肉平坦者無高低不均之患若四岸高低不均此上便有空缺不着肉處即生疱切記之。凡敷貼接骨等藥疼痛不止者可加乳香沒藥楓香白芷肉桂南星獨活等味各量加些於藥中敷貼其肉溫暖疼痛即住刀斧傷者去肉桂南星獨活。凡換藥不可生換用手巾打濕搭潤逐片取脫隨手盪洗換藥不可經停一時恐生

跌打傷損
肉疱仍先攤藥隨即應手換之此大節病累遭害切
記之凡傷重其初麻而不痛應該伸捺正或用刀
取開皮二三日後方知痛且先勻氣血凡被杖打
痛腫而未破者先用稜針出血若破者不須出血只
用撒地金錢山薄荷生地黃地薄荷豬鬃碎葉澤蘭
葉血見愁搗敷貼若成杖瘡用黑膏藥白膏藥紅膏
藥太乙膏牛脂膏貼之凡刀斧傷者看輕重用藥
如輕者只用補肌散按重者宜用封山藥按緊縛住
如傷重者外用散血膏敷貼
用藥訣打擗樹木壓或自高處擗下者此等傷皆驚

動四肢五臟必有惡血在內專怕惡心先用清心藥
打血藥及通大小腸藥次第先服照服加童子小便
入藥內立効專用大小腸洗利恐作隘塞利害之甚
清心藥加前方通利大小腸藥服之自然俱通無悶
煩無惡血汚心以次用止痛藥服之即止擗撲傷
刀石傷諸般傷損至重者皆先服清心藥次服清小
便三服去血藥或被傷者血未結打從瘡口出或結
在內用藥打入大腸時即泄或被打破擗被木壓惡
血未積者用藥打散四肢或歸臟腑者或歸上膈者
打從口中吐出或歸中膈打入大腸泄出先用此急

失業易員

外科

三

救次服止痛藥卽二十五味藥中加減用 凡藥皆
憑湯使所使方先但用清心藥煎後用童便壹盞同
服或止痛重傷者則用薑湯燈心湯調二十五味藥
服之薄荷湯亦可 凡傷或刀傷及損內臟腑恐作
煩悶崩血之患如折骨者同薑酒服接骨藥傅之如
骨碎被重打重顛重床及石壓者皆用先服湯使法
並法用酒服如輕顛撲損傷則用薑湯調下二十五
味藥立効 凡打撲傷損折骨出臼者便宜用何首
烏散若發熱體實之人用疎風敗毒散若惡寒體弱
之人用五積交加散後用黃白紅黑四味末子補損

丹活血丹等藥調治之 凡折骨出臼者不宜用下
瘀血之藥及通利太便之藥只宜疎風順氣勻血定
痛補損而已 凡打撲砍磕從高跌墮瘀血攻心不
能言語者用獨聖散及破血藥下去瘀血卽能言語
次宜臨證詳治之 凡打撲跌墮傷於脇下瘀痛不
可忍者先用破血藥及獨聖散次以復元活血湯調
理 凡打撲跌墮損破皮肉紫黑色者先用破血藥
次用獨聖散又次用清上瘀血湯消下破血湯 凡
打撲損傷嘔惡血汁者先用獨聖散次用百合散又
次用生料四物湯加硬骨牛乳根加減調理 凡打

撲刀斧斫磕等傷破皮損肉血出去多頭目眩暈者
先用川當歸大川芎煎水服次加白芍藥熟地黃續
斷防風荆芥羌活獨活南星煎水加童便和服則可
不可用酒如血出少內有瘀血者以生料四物湯一
半加獨聖散一半煎水服未破皮肉者上碗加酒和
服凡打撲刀斧斫磕等傷破傷風痛不可忍牙關
緊急角弓反張者用生南星防風等分爲末米泔調
塗患處又用熱酒童便各半調連進三服卽甦次用
疎風敗毒散調治之凡刀斧斫磕傷破陰囊皮者
先服獨聖散次服止痛藥如內有宿血者用破血藥

凡刀斧傷破肚皮腸出者先用清心藥加童便和
服及用獨聖散次用止痛藥如血出過多先用當歸
川芎水煎服次加白芍藥熟地黃羌活獨活防風荆
芥白芷續斷水煎調乳香沒藥末和服之凡傷損
藥中不可缺乳香沒藥此藥極能散血住痛凡刀
斧跌磕閃胸脫臼者初然不可使用自然銅久後方
可用之折骨者宜使用之若不折骨不碎骨則不可
用修合諸損藥皆要去之好用自然銅必用火煨方
可服之然新出火者其火毒與金毒相扇焚香熱藥
毒雖有接骨之功其燥散之禍甚於刀劍戒之凡

跌撲傷員

外科

二

墮傷內有瘀血者必腹脹滿而痛或胸脇滿也宜用
破血藥清心藥及通利之自然而愈痛不止者用獨
聖散服之効驗如更不止用止痛藥服之大効如神
凡金刃所傷從高跌墮皮肉破損出血過多此宜
止疼無補爲先宜當歸補血湯若皮肉不破損者宜
作瘀血停積治之先以獨聖散次以破血藥隨證加
減續後痛不止者用止痛藥調理若胸膈疼痛用開
心草雪裏開蘇木煎酒入童便和服卽効又方單用
蘇木煎酒和童便服 凡治刀斧金刃打撲從高跌
墮皮肉破損而傷重者中間破處搽封止血或補肌

散四邊用截血膏箍住使新血不來潮作此秘傳之
妙訣也 凡損傷妙在補氣血俗工不知惟要速効
多用自然銅恐成痼疾也初傷只用蘇木活血黃連
降火白木和中童便煎服在下者可下瘀血但先須
補托在上者宜飲韭汁或和粥喫切不可飲冷水血
見寒則凝但一絲血入心卽斃 凡老人墮馬腰痛
不可轉側先用蘇木人參黃芪川芎當歸陳皮甘草
煎服次以前藥調下紅黑黃白四末子補損丹活血
丹 凡杖打閃肋疼痛皆滯血證宜破血藥下之痛
不可忍則傷血故也宜清心藥更不止用獨聖散大

効凡刀斧打撲斫磕跌斷血筒出如湧泉者此傷
經也用封口藥按以手按實少時即止又止血散按
之亦可如腫痛搗葱炒熱縛之凡損大小便不通
未可使服損藥蓋損藥熱亦用酒澀秘愈甚看患人
虛實實者用破血藥加木通尚未通加芒硝虛者以
四物湯加枳殼麻仁桃仁滑腸之類虛人不可下者
四物湯加穿山甲凡眼損藥不可喫冷物魚牛肉
極冷尤不可喫若喫牛肉痛不可治又瘟猪肉猪母
肉尤不可喫切記之凡損不可服草藥服之所生
之骨必大不得入日相兼君臣藥服則可要加溫補

氣血藥同煎凡損藥必熱能生氣血以接骨也更
忌用火灸如敷藥不効服藥亦不効凡用敷貼等
草藥皆要臨時生採新鮮者用之有効如出遠路討
不便者可為末用研末不及生採者為勝如無草藥
討處就用君臣藥接縛之凡損藥內用酒者不問
紅白只忌灰酒且重傷不可使用酒及承起氣作腹
脹胸滿切記切記如稍定却用酒水煎或湯浸酒
凡打傷在兩脇兩胸兩肚兩肋却用通氣通血清心
藥又看病人虛實不同虛者通藥須無補藥放緩且
用貼藥在前通藥在後凡用通藥及不通者後用

跌打藥

卷之二十一

七

順氣藥腹肚全無膨脹而得安此為不干血作乃是
氣閉不通如腹肚果有血作一通便下亦須以順氣
藥兼之庶胸膈肚腹不致緊悶氣順後却用損藥
凡人醉卧跌牀下脚背疼痛不可屈伸損藥不効服
黑豆酒數日愈豆能下氣所損輕也 凡小兒跌撲
角上止用蘿蔔子煎服愈亦順氣也 凡整作之法
除頭腦上不可用藥水洗恐成破傷風餘可加熟油
同藥水避風洗之且與住痛整時先用熱酒磨草烏
服壹貳盞方整整時氣絕用蘇合香丸須甦未甦以
黑豆防風甘草黃連煎冷服或菖蒲水服不可用

鹽解之若吐加生薑汁 右皆專科用藥之法人有
虛實不可一律而施即如末條整時先服草烏酒整
而氣絕灌以蘇合香丸走竄之劑未甦又以冷藥灌
之若施之氣虛之人慘於加刃矣惟薛氏法量證施
治專於內補可以遵用見後分證處治條學者宜審
焉

十不治證 顛撲損傷或被傷入於肺者縱未即歿二
七難過 左脇下傷透內者 腸傷斷一半則醫全
斷者不可治 小腹下傷內者證候繁多者 脉不
實重者 老人左股壓碎者 傷破陰子者 血出

盡者 肩內耳後傷透於內者皆不必用藥

整骨藥

草烏 叁錢

當歸

白芷 各貳錢半

右末每服伍分熱酒調下麻倒不知痛然後用手

如法整理

草烏散 治傷骨節不歸窠者用此麻之然後下手

整頓

白芷

川芎

木鼈子

豬牙皂角

烏藥

半夏

紫金皮

杜當歸

川烏 各貳兩

舶上茴香

草烏 各壹兩

木香 半兩

右為細末諸骨碎骨折出臼者每服壹錢好酒調

下麻倒不知疼處或用刀割開或用剪法骨鋒者

以手整頓骨筋歸元端正用夾板夾縛定然後醫

治或箭鏃入骨不出亦可用此藥麻之或鐵針搜

出或用鑿鑿開取出若人昏沉後用鹽湯或鹽水

與服立醒

治方藥初氏云凡擗傷皮破血出處疼不可忍乃

風寒所着宜用葱杵碎入鹽少許炒熱罨上其痛即

住冷則再溫之

夫業傷員

小斗六

天

此事方云崔給事頃在澤潞與李抱真作判官李相
方以毬杖按毬子其將軍以杖相格乘勢不能正因
傷李相姆指并爪甲劈裂遽索金刀藥裹之強坐頻
索酒飲至數杯已過量而面色愈青忍痛不正有軍
使言取葱新折者入塘灰火煨熱剝皮擘開其間有
涕取罨損傷處仍多煨葱續續取熱者凡三易之面
色却赤斯須云已不痛凡十數度易用熱葱并涕裹
纏遂畢席笑語

治腦骨破及骨折葱白爛研和蜜浮封損處立瘥
治殺傷氣偶未絕用葱白熱鍋炒熟徧傳傷處頃即

再易其痛自止但青葉亦可

定痛膏 治打撲傷損動筋折骨跌磕木石壓傷赤
腫疼痛

芙蓉葉 貳兩 紫金皮 獨活

南星 生 白芷 各錢

右末加生採馬藍菜墨斗菜各壹兩杵搗極爛和
采一處用生葱汁老酒和炒暖縛

若打撲跌磕壓傷骨肉痠疼有紫黑色未破皮肉
者加草烏肉桂良薑各叁錢研末薑汁調溫貼若
紫黑色已退除良薑肉桂草烏薑汁却以薑汁茶

清調溫貼之

若折骨出曰者加赤葛根皮寶塔草各貳兩搗爛
和前藥一處又用肥皂拾枚童便煮去皮弦子膜
杵搗極爛入生薑汁少許生白麵壹兩砍爛和勻
入前藥同杵搗勻用芭蕉葉托用前後正副夾須
仔細整頓其骨緊縛看後上下腫痛消方可換藥
腫痛未退不可換藥

木治腕打傷筋損骨疼痛不可忍

生地壹斤切

藏瓜薑糟壹斤

生薑肆兩切

右都炒令勻熱以布裹罨傷折處冷則易之曾有

入傷折宜用生龜尋捕一龜將殺患人忽夢見龜
告曰勿相害吾有奇方可療於夢中授此方神效
經驗方 治跌撲瘀血作痛或筋骨疼痛

黃磔壹兩

半夏伍錢

右為末用薑汁調塗患處以紙貼之如乾薑汁潤
之則白易之

消毒定痛散 治跌撲腫痛

無名異炒

木耳炒

大黃炒

右為末蜜水調塗如內有瘀血破去敷之若腐處
更用當歸膏敷之尤好

血

截血膏

治刀斧斫磕等處能化血破瘀退腫止痛

天花粉

各兩

薑黃

赤芍藥

白芷

各壹兩

右末茶清調勻敷瘡口四邊若刀斧傷於頭面血不止者急用此末茶清調勻塗頸上周圍若傷手則塗臂周圍若傷足則塗腿上周圍若傷各處則塗瘡口周圍使截住其血不來潮作也

金瘡着水肉翻花者用韭汁調此末傳瘡口四邊以火微炙之又用早稻煙熏之瘡口出水即愈如無水出即是風襲倍加南星和敷

血

散血膏

治打撲傷損跌磕刀斧等傷及虎傷瘡豬

牛咬傷

耳草葉

藤生藤上有棘葉如木綿葉又名猪母藤又名虎睛草又名獅子藤

澤蘭葉

右各生採杵搗極爛冷敷縛刀斧斫磕等傷破皮損肉者先用羊毛餅貼次貼此膏瘡口四邊用截血膏敷貼令血不來潮作一人跌破陰囊又一人

跌撲傷員

小斗

跌拔鼻孔二者俱先整理皮肉端正用此膏效驗
一法不用羊毛餅只用金毛狗脊毛薄鋪此於
患口止次按封口藥再却以此膏貼效更速
羊毛餅法

雞子清桐油各半打勻以羊毛薄捻作餅如紙樣
貼在患處上以散血膏或補肉膏敷貼

接補消腫膏 治證同前

耳草葉 雪裏開 水圻葉

烏苞葉 紫金皮

右末以雞子清入桐油少許調勻敷貼

活血散 治打撲傷折手足

右用菘豆粉新鐵銚內炒令紫色用熱酒同熱醋
調令成膏傅貼損處用紙花蓋貼將杉木一片或

二片縛定其效如神

一赤散 治傷損傅藥後起疱者以稜針挑破摻末

大黃 赤石脂 石膏煨各等分

右末摻之

一黃散 治打撲傷痕紫黑有瘀血流注有熱者

大黃

右末薑汁調溫傅

一白散 治打撲傷痕紫黑有瘀血流注無熱者

半夏

右末薑汁調傅

萬金膏 治癰疽發背諸般瘡癤從高墜下打撲傷

損脚膝生瘡速年賺瘡五般痔漏一切惡瘡並皆

治之

龍骨

鼈甲

苦參

烏賊魚骨

黃礬

黃芩

黃連

猪牙皂角

白芨

白斂

厚朴

木鼈子仁

草烏

川芎

當歸 洗焙

香白芷

各壹兩

沒藥

另研

乳香

另研各半兩

槐枝

柳枝

各肆寸長貳拾壹條

黃丹

壹斤半炒過

清油

肆斤

右除乳沒丹外將諸藥於油內慢火煎紫赤色去

滓秤淨油叁斤放鍋內下丹不住手攪令黑色滴

入水不散及不粘手下乳沒末再攪勻如硬入油

些少以不粘手為度

洗藥荆葉散

治從高墜下及一切傷折筋骨瘀血

結聚疼痛

此種係抄

碩荊葉 壹兩

白芷

細辛 去苗

蔓荊子

桂心

川芎

丁皮

防風 去蘆

羌活 各半兩

右作膏服入鹽半匙連根葱伍莖漿水伍升煎取
參升去滓通年淋洗痛處冷即再易避風處洗之
接骨用上好無名異參兩為末丁乳檀沉木五香
各半錢重為末先燒鐵銚紅以五香三之一彈入銚
內候煙起則全下無名異待滾退火定後再上火炒
熱又將五香彈三之一彈入銚內候滾又退火如此
者凡三次訖出火毒即用骨碎補去毛約壹斤與生

薑等分搗爛以碗覆之候發熱先約取五之一入小
葱九莖連鬚去蒂同入沙盆搗細取其汁調前無名
異末貳錢衝老酒服之其查菴患處即愈如年老氣
衰者再作一劑多飲酒力助之為妙

潔接骨丹敷貼藥

天南星

木鼈子 各肆兩

沒藥

乳香 各半兩

官桂 壹兩

右為細末薑壹斤去皮爛研取自然汁入米醋少
許白麪為糊同調攤紙上貼傷處以帛縛之用篋
夾定麻索子纏

失藥房員

小斗

三

接骨丹 治折骨出臼無草藥討處用此方効

南星 生肆兩

木鼈子 叁兩

紫金皮

芙蓉葉

獨活

白芷

官桂

松香

楓香 各壹兩

小麥麩 貳兩

乳香

沒藥 各伍錢

右末米醋生薑汁各少許入酒調勻攤油紙上夾

縛冬月熱縛夏月溫縛

世治顛撲筋斷骨折用粟米半升木鼈肉貳拾箇半

夏半兩婦人髮一團葱白鬚一小束同炒煙盡存性

為末熱醋調傅神効 治顛撲筋斷骨折用糯米壹

升阜角切碎半升銅錢白箇同炒至半焦黑去銅錢

為末用好酒調膏厚紙攤貼患處神効

走馬散 治折傷接骨

栢葉

荷葉

阜角 俱生用

骨碎補 去毛各等分

右為末先將折傷處揣定令入元位以薑汁調藥

如糊攤紙上貼骨斷處用杉木片夾定以繩縛之

莫令轉動三五日後開看以溫葱湯洗後再貼藥

復夾七白如痛再加沒藥

乳香膏 治打撲傷損

乳香

松香

楓香

五倍子

狗骨煨各壹兩

鍋底墨

小麥麵各伍兩

右末用好酒調為糊樣熱敷痛處不可敷破處若破爛者只用鳳尾草為末摻之

骨碎補罨閃折筋骨折傷取根搗碎煮黃米粥和之裹傷處良

擷撲骨肉損醋搗肥皂爛厚罨之以帛縛之同復醋

糟平胃散相和罨之丹治擷傷骨折及血黯方用益元散柒分人參湯調

之次用薑汁好醋貳盞用獨子肥皂肆箇敲碎按於薑汁醋中調和以綿濾過去香煎成膏藥貼之徧身亦可

又方柑橘葉白酒糟杵細縛痛處或大段痛用火燒地令紅用醋并米泔潑地上急鋪薦令患人薦上卧

蒸出汗內則服藥外則貼罨易安

續筋白膠香散 治皮破筋斷 右用白膠香為末傳之又方金沸草根搗汁塗筋

封口便可相續止痛

治傷斷筋骨續筋方

此指傷損
右取旋復根搗汁滴瘡中仍用萍傳瘡上封之
七日即筋骨便續更不用易

消腫紫金皮散 治打撲傷損金刀箭鏃傷處浮腫

用此

紫金皮

醋炒

南星

半夏

川當歸

黃礬

鹽炒

草烏

炮

川烏

炮

杜當歸

川芎

烏藥

破故紙

川白芷

鹽水炒

劉寄奴

川牛膝

桑白皮

各等分

右為細末生薑薄荷汁煎水調傳腫處或傷處皮

熱甚加黃礬皮生地黄半兩有瘡口者勿封瘡口
四邊傳之

本事治打撲傷損及一切腫癰未破令內消方

生地黄

研如泥

木香

細末

右以地黄膏隨腫大小攤於紙上摻木香末二層

又再攤地黄膏貼腫上不過三五度即愈昔許元

公入京師赴省試過橋墜馬右臂曰脫路人語其

僕曰急與按入曰中若血漬曰則難治矣僕用其

說許以昏迷不覺痛遂僦轎昇歸邸或曰非錄事

巷田馬騎不能了此疾急召之至巳日暮因秉燭

視其面曰尚可治乃施藥封此處至中夜方甦連
且痛止去其封損處已白其青瘀乃移在白上自
是日白易之腫直至肩背以藥下之瀉黑血參升
五日復常遂得赴試蓋用此法云

消腫膏 治胸脇跌墮打撲損傷腫痛或動筋折骨

芙蓉葉

紫金皮

各伍兩

白芷

當歸

骨碎補

獨活

何首烏

南星

各參兩

橙橘葉

赤芍藥

各貳兩

石菖蒲

肉桂

各伍錢

右末以熱酒薑汁調乘熱縛腫用葱汁茶清調和

溫縛動筋折骨加山樟子葉毛銀藤皮及葉各伍
兩同前為末酒調暖敷縛

芙蓉膏 治打撲傷損腫痛紫黑色久不退者

紫金皮

南星

各壹兩

芙蓉葉

貳兩

獨活

白芷

赤芍藥

各伍錢

右末生薑汁茶清調溫貼縛

傷損紫黑色久不退者加肉桂伍錢

紫金膏 治赤腫焮熱者

芙蓉花葉

貳兩白
花者佳

紫金皮

壹兩

右生採入生地黄同搗傅貼或為末以雞子清入

蜜少許和勻調入生地黄砍爛和傅

拯損膏 治諸傷損

天花粉

芙蓉葉

紫金皮

赤芍藥

南星

獨活

當歸

白芷 各壹兩

牡丹皮 叁錢

右末薑汁調熱傅貼疼痛甚者加乳香沒藥各少

許

松葱膏 治傷損

松香

葱連根葉 炒熱

右杵搗成膏炙熱縛傷處先以生薑砍爛炒熱罨

少時次以此膏貼之退腫止痛

退腫膏 治頭腦破傷損或跌破或刀斧傷處或被

杖棒打破及別處傷

芙蓉葉

地薄荷

耳草葉

澤蘭葉

金桐葉

赤牛膝

大黃 另研末 各等分

右砍爛傅貼傷處中間留孔出氣用澤蘭葉盪軟

貼住冬月用芭蕉葉一日一換藥用茶洗傷處若

傷處浮腫用小青葉搗傅後用瓦池葉地薄荷搗

傅後痛不住用葛葉毛藤葉楓葉尾砍傅貼住痛

鼻

治擦落耳鼻用髮入罐子鹽泥固濟煨過為末乘急以所擦落耳鼻蘸灰綴定以軟絹縛定效江懷禪師為驢所咬下鼻一僧用此綴之效

一紫散 治傷損眼胞青黑紫色腫痛

紫金皮 重便浸赤 生地黄 各等分

右砍爛茶清調勻傳貼餘處傷不用製

一綠散 治打撲眼胞赤腫疼痛

芙蓉葉 生地黄 各等分

右砍爛傳貼或為末雞子清調勻傳之

退熱散 治跌磕打傷惟大指中指傷命餘指無妨

爛

山布瓜根 多 景天草 澤蘭葉

地薄荷 魚桐根皮

右搗爛冷縛傷處大退身上寒熱

澤蘭散 治跌撲咬傷及咬傷手指并刀斧傷

芙蓉葉 澤蘭葉 白佛桑葉

地薄荷 耳草葉

右搗爛冷縛傷處留口通氣以七葉楊香葉或池

黃葉熱茶湯軟貼住

負重擔肩破者剪貓兒頭上毛不語唾粘之

遠行脚打泡用調生麪糊貼過夜即乾不可擦破又

失笑真員

脚 肩

法用飯粘貼過夜以紙蓋之次日平復神效

內服方藥

表脉浮緊證發熱惡寒體痛此挾有外邪宜發散

四季傷損發散春五積散香蘇散夏香薷飲五苓散

秋正氣散冬和解散以上諸方並見傷寒寒熱加柴胡前

胡黃芩頭痛加川芎白芷脚氣加白芷檳榔木香痰

加南星半夏烏梅氣喘加入參木香沈香寒加蒼朮

半夏陳皮右等分咬咀葱白煎空心服

疎風敗毒散 治打撲諸損動筋折骨跌磕墮傷者

當歸

川芎

白芍藥

熟地黄

羌活

獨活

桔梗

枳殼

柴胡

白茯苓

白芷

甘草

紫蘇

陳皮

香附

右生薑生地黄煎入酒和服

加味交加散

治打撲傷損折骨出臼發熱惡寒體

弱之人用此服之若體實之人宜疎風敗毒散

當歸

川芎

白芍藥

生地黄

蒼朮

厚朴

陳皮

白茯苓

半夏

此書係抄
夕和

羌活

獨活

桔梗

枳殼

前胡

柴胡

乾薑

肉桂

甘草

右生薑煎服

有熱除乾薑肉桂

羌活乳香湯

治跌撲傷損動筋折骨發熱體痛挾

外邪者

羌活

獨活

川芎

當歸

赤芍藥

防風

荆芥

丹皮

續斷

紅花

桃仁

陳皮

右生地黄煎服

有熱加柴胡黃芩

裏肝脉搏堅而長脇下痛不可忍宜行瘀血海藏

云若登高墮下重物撞打箭鏃刃傷心腹胃中停積

鬱血不散以上中下三焦分之別其部分上部易老

犀角地黄湯中部桃仁承氣湯下部抵當湯之類下

之亦有以小便酒同煎治之更有內加生地黄當

歸煎者有大黃者又法虛人不禁下者以四物湯加

穿山甲煎服妙亦有花榮石散以童子小便煎或酒

服之者此藥與前寒藥正分陰陽不可不辨也若瘀

血已去用復元通氣散加當歸煎服亦可

失美鳥員

本卷

四十一

仲景治馬墜及一切筋骨損傷

大黃壹兩切湯浸或半兩緋帛

敗蒲席叁寸久用炊單布壹尺燒灰

桃仁肆拾玖箇去皮尖甘草如中指節炙剉

右柴味以童子小便量多少煎湯或內酒壹大盞

次下大黃去渣分溫參服先剉敗蒲席半領煎湯

浴以衣被覆斯須通利數行通後立瘥利後浴水

赤勿怪卽瘀血也

復元活血湯 治從高墮下惡血流於脇下及疼痛

不可忍者經云有所墮墜惡血留內有所大怒氣

瘀血重者下之

上而不行下損於脇則傷肝肝膽之經俱行於脇

下經屬厥陰少陽宜以柴胡為引用為君以當歸

活血脉又急者痛也以甘草緩其急亦能生新血

陽生陰長故也為臣穿山甲括萋根桃仁紅花破

血潤而為之佐大黃酒製以蕩滌敗血為之使氣

味相合各有所歸痛自去矣

柴胡伍錢當歸 穿山甲炮

括萋根各叁錢甘艸 紅花各貳錢

桃仁伍拾箇大黃酒浸壹兩

右件桃仁研爛餘藥剉如麻豆大每服壹兩水貳

鍾酒半盞煎至米分去查大溫服食前以利為度
得利後痛或不盡服乳香神應散方見後
巴戟湯治從高墜下及打撲內損昏冒嗜臥不能
飲食此謂血閉臟腑不通

巴戟去心

大黃各半兩

當歸

地黃

芍藥

川芎

各壹兩

右為末水煎以利為度

當歸導滯散東垣治打撲損傷落馬墜車瘀血大便不通紅腫青黯疼痛昏悶畜血內壅欲效

大黃壹兩

當歸貳錢半

麝香

少許

右參味除麝香別研外為極細末入麝香令勻每服參錢熱酒壹盞調下如前內瘀血去或骨節傷折疼痛不可忍以定痛接骨紫金丹治之
又導滯散 治重物壓傷或從高墜下或吐血不能禁止或瘀血在內胃腹脹滿喘促氣短

當歸

大黃各壹兩

右為細末每服參錢不拘時溫酒調服
奪命散治刀刃所傷及從高墜下木石壓損瘀血凝積心腹疼痛大小便不通

水蛭

用石灰炒慢火炒

黑牽牛

貳兩

右末每服貳錢熱酒調下約行四五里再用熱酒
調黑牽牛末貳錢催之須下惡血成塊以盡為度
雞鳴散因三治從高墜下及木石所壓凡是傷損血瘀
凝積氣絕欲死煩躁頭痛叫呼不得並以此藥利
去瘀血治折傷神妙

大黃壹兩

桃仁貳柒粒

右研細酒壹碗煎至陸分去查雞鳴時服次日取
下瘀血即愈若便覺氣絕不能言取藥不及急釐
口開用熱小便灌之即愈

清上瘀血湯 治上膈被傷者

羌活

獨活

連翹

桔梗

枳殼

赤芍藥

當歸

梔子

黃芩

甘草

川芎

桃仁

紅花

蘇木

大黃

右生地黃煎和老酒童便服

消下破血湯 治下膈被傷者

柴胡

川芎

大黃

赤芍藥

當歸

黃芩

五靈脂

桃仁

枳實

梔子

赤牛膝

木通

澤蘭

紅花

蘇木

右生地黄煎加老酒童便和服

大紫金皮散

治打撲傷折內損肺肝

紫金皮

降真香

補骨脂

無名異

燒紅酒
焯茶次

川續斷

琥珀

牛膝

酒浸
壹宿

桃仁

去皮

當歸

洗焙

蒲黃

各壹
兩

大黃

濕紙
裹煨

朴硝

另研各
壹兩半

右為細末每服貳錢食前濃煎蘇木當歸酒調服

破血藥

治打撲墮馬從高跌下皮肉不破者此藥

血停積內攻不能言語而或譫妄此宜攻利為先

若皮破血流者宜作金瘡亡血過多治之

柴胡

黃芩

五靈脂

枳實

當歸

赤芍藥

川芎

生地黄

大黃

朴硝

桃仁

紅花

蘇木

右水煎入酒童便和服皮破血流者不用酒

羅氏花蕊石散

治一切金刃箭鏃傷及打撲傷損

貓狗咬傷或至外血瘀傷處以藥摻之其血化為

藥考

失美言易員

小斗

日一

黃水再搽藥便活更不疼痛如內損血入臟腑煎
童子小便入酒少許調壹大盞服之立効若牛舐
腸出不損者急內腸入用細絲或桑白皮爲線縫
合肚皮縫上搽藥血止立活如無桑白皮用生麻
縷亦得並不得封裏瘡口恐作膿血如瘡乾以津
液潤之然後搽藥婦人產後敗血不盡血迷血暈
惡血奔心胎死腹中胎衣不下至死者但心頭覺
暖急以童子小便調壹盞取下惡物如肝片終身
不患血風血氣證若膈上有血化爲黃水卽時吐
出或隨大便出

